

吟

風

閣

灌口二郎初顯聖

南中

菊花新

小旦扮二郎神領侍從上

麒麟

出

血

流

紅

天

產

奇

男

績

禹

功

本

色

是

英

雄

只

看

俺

幼

年行動

走馬一道烟吹劒一口氣游戲到人間諸神且廻避吾乃蜀郡太守之子李二郎是也只因這廂江水泛漲傷害居民俺爹爹臨江率衆開鑿離堆急切不能回府俺鎮日在書房看書納悶趁此帶了奴婢們架鷹牽犬偷出府下喚同了

郭伸直健兩將軍一逕到山前打圍須要不一時打了無數山禽野獸小的們你看山坡平厥可就此席地班荆割鮮野饗灑落他一回者

馱環着合看風吹草動看風吹草動飛走潛蹤調虎離山呼猿出洞鷹犬一時齊縱把四面江山只佈個小圍場周遭收攏偏搜得禽堆邱罿歡笑煞聞烹龍鳳流星彈寶雕弓雨血風毛地搖山動

小旦就此坐下吹彈歌唱起來衆公子見獵心喜自然對酒當歌小旦就把酒爲題唱的唱飲

的飲衆有理雜待我來大家聽者起立搖櫓唱  
岳陽樓上呀醉的不分明白牡丹花照子個洞  
阿庭一盞擎來一盞盡不想活神仙摟抱子個  
活妖阿精請各一杯飲介原來老仙也是酒色  
之徒小旦有酒此有色有色此有財有財此有  
氣就將這四件爲題各自道來雜有酒此有色  
聽我道起立擎巾扇唱張生做事太風流呀今  
日央求呀明日央求夫人聽見央打求打央求  
肯干休呀那個牽頭呀一個丫頭跳過粉牆猶

自可呀。一半含羞呀。一半擔憂。跳不出時擔打  
憂。打擔憂。五更頭呀。官了私休呀。私了官休。請  
各一杯。飲介雜。有色此有財。聽我道。起立擎馬  
鞭唱。想他家雄豪霸滿園。金谷春無價。綠珠樓、  
綠珠樓上梳妝罷。珊瑚七尺輕敲下。你知道金  
錢常在石崇家。誰知道楮錢兒莫向他墳前掛。  
請各一杯。飲介雜。有財此有氣。聽我道。起立擎  
漁鼓簡唱。今古事難評。看將來。沒正經。有一個  
三國周郎。忒聰忒聰明。有一個諸葛先生。闢智

塵。兵。兩。下。兩。下。裏。爭。一。朝。看。破。你。情。和。性。他。笑。  
道。非。是。我。無。情。只。爲。你。心。頭。緊。逆。火。無。明。按。捺。  
不。定。我。但。畧。施。小。計。把。一。個。有。情。有。趣。千。伶。百。  
俐。的。周。公。瑾。僵。得。來。死。不。明。活。不。成。賠。了。夫。人。  
又。折。了。兵。撇。下。了。嬌。滴。滴。的。小。喬。娘。子。青。春。年。  
少。成。孤。成。孤。另。一。旦。無。常。枉。自。輕。呀。呀。呀。看。將。  
來。沒。正。經。誰。叫。你。來。爭。誰。叫。你。火。星。兒。亂。迸。你。  
但。把。自。心。來。放。平。你。把。自。心。來。放。平。天。也。平。地。  
也。平。就。是。胡。盧。提。倒。也。倒。也。行。你。要。見。分。明。你。

看那今來古往。七七八八。顛倒英雄反事情。  
要一般般替他愁。替他惱。替他替他爭。你這書  
生。只怕你一肚皮裝不下。這許多臘贋臘贋病。  
請各一杯小旦且住。我們出來頑耍。怕俺爹回  
衙知道。一面着人到江邊打聽去者。雜應下小  
旦我們且把村醪野味。暢飲飽餐。大家受用。則  
個衆有理。

前腔合算江山點衆靠江山點衆斜倚雕弓鐵綽  
銅琶醉歌齊動藉草分甘受用與衆言歡休道俺

小喬才。不知尊重。傳笑語。髻丫雙擁齊。喝采繡鞍回。鞚前村笛。牧牛童。年少偷閑。一般喧閨。

雜揚鞭馳上星忙。飛騎到火速。報君知。稟爺不好了。只因俺爺鑿破離堆壞了蛟龍窟穴。那江中龍母怒恨。駕起風雷雨電尋着俺爺在江邊廝殺。又有他龍子在沫水中出來接應。甚是兇猛。俺爺寡不敵衆。看看不濟事了。公子快來救護者。小旦有這等事。

添字紅繡鞋合偷將閒空從容從容馳驅較獵正

稱雄稱雄。聞報道信多凶。激得我怒忡忡。趁今朝威風威風。快去戰羣龍。快去戰羣龍。

小旦待俺裝札起來。奴婢們快去回報夫人。俺自救俺爹去也。丑公子且住。那龍婆母子都變化人身。與爺攬做一團廝殺。那龍婆母子角尖上掛的是碧綃。俺爺頭盔上掛的是紅綃。切須看個明白。用計收擒。莫被他逃走了。小旦我自理會得。憑他走上焰摩天。也要騰身趕將去。就着你引路。丑當得公子。你雖然英勇。還

得添些人馬去好

尾聲小旦那用重添人馬衆。何物鱗而一水蟲禁得俺伏虎降龍天將種。

俱下

外扮李冰戎裝跑上。血染團花舊戰袍。幾番磨洗。不更刀石人泥馬皆流汗。要顯屠龍手。段高我蜀太守李冰與業龍戰敗。幾乎一命難逃。如今並無一路救兵。如何是好。龍婆龍子趕李冰遶場下。小旦挾彈兩將隨上。

北正宮端正好。閉江天迷昏曉。陰風起。平地波濤是

甚麼常鱗。凡介都來到。則索的把冤讐報。

兩將可前去攏住他。俺且閃在一邊等着他者。

〔兩將得令下鷹犬遶場下〕

滾繡毬小旦只見那閃屁屁雷電交半空中張牙露爪。他害生靈。須不是兩遍三遭。又聽得怒騰騰風雨號。俺這裏搖旗放砲。濺泥鰌只欠他萬剛千刀。可怪那風雷丁甲。無分曉。反助着他。劣修羅氣勢高。困住賢豪。

業龍母子李冰又廝殺上二郎截殺放彈縱鷹

犬業龍傷敗兩將擒縛介小旦且喜業龍拏住  
手下可押到營盤聽令衆應下李冰帶敗兵上  
虧得孩兒攏住他來路方纔得到此間但不知  
孩兒勝負如何小旦上不施萬丈深潭計怎得  
漁翁下釣臺爹爹可曾受傷孩兒已將那廝母  
子拏下請爹爹處治外那業龍甚是兇惡且問  
你怎生擒得住他小旦爹爹聽稟孩兒知道的  
制禽在氣那蛟龍最怕鐵氣孩兒把一個鐵彈  
丸望空打去正打着了那龍婆左眼又算定辰

成相冲、把細犬放去咬下他領下明珠、他就不能動彈了也。

小梁州俺則爲血戰元黃氣不銷刺斜裏手起丸  
拋滴溜溜正中他眼兒胞飛不了血淚染碧絞綃

外那龍子又是怎麼擎下的小旦那龍子是一

條小蛟但額上尺木成時便能飛行變化被孩  
兒一彈丸打斷了他尺木又被神鷹追趕不能  
落水那蛟原是木畜金木相犯孩兒因此在空  
中丟下黃金索子一索子便把他套住了也

么篇怕龍生九種都來到這其間點額而逃角木  
蛟空中弔便一天風雨飛不起那尾兒稍

外原來如此你與父報讐爲民除害不愧克家

幹蠱之子我身帶有重傷這業龍既是你收擒

還是你去處治了罷小旦領爹爹嚴命請自回

衙調治孩兒斬了業龍就來也外傳家自有降

魔杵放馬先回卸甲村下小旦如今逆龍是擎

下了你看這廂好一派的源頭活水待我山崖

上砍下劙痕數道沙灘上揷下鐵杵一頭教他

蓄洩有方。永爲美利。擒龍鎮水。渾閑事留與他。  
年作話傳。作法揮劍捕杵介手下可點起信香。  
召江神來見。江神上衙內相召小神。有何法旨。  
小旦江神聽者。這廂水害。都是你那江中蛟龍。  
作怪。吾奉父命擒拏。已經就縛。但這廝修煉多  
年。神通廣大。人間刀劍。不能了結得他。吾當運  
動先天祖炁。揮慧劍斬之。與你西川永除水害。  
江神這廝合當梟首。但衙內威德並行。還當仰  
體。上帝好生留他一命。聽憑衙內如何驅使他。

便了。小旦這廝惡貫滿盈，本該付斬龍臺上處治也罷。叫他聽吾法旨。江神善哉？善哉！業龍速復原形，聽衙內法旨。小旦江神，這事須交與你去擺佈。那龍婆與我鎖在離堆之下，要他約勒江波深無至肩，淺無至足，盟山誓水，只此兩言，可立碑表記。如有違犯，呵。

白鶴子有原拴的金鎖，固有永鎮的石犀，高但還劣性再蹊蹻，便灌的他鐵汁銅漿兒飽。

那小蛟着他與我攻開東岸，分水江內，灌住農

田使千里荒蕪變成沃野永爲天府之土就把  
小蛟裝在寶瓶口內着他守定水門一吞一吐  
就像塞了海眼一般你看當初禹王導水水由  
地中行回耐凡夫治水水由地上行地發殺機  
龍蛇起陸吾有深淘灘低作堰六字口訣付與  
爾神傳示者

快活三休教作的堰兒高壅灘沙兜底要深淘把  
源頭活水散千條遍西川看美滿知多少

江神小神謹遵法旨但如何深淺節度還請衙

內明示以憑永遠奉行。小旦是不消你說。我有  
沙平水畫留在人間。憑你長落無常。我的規程  
早定。江神怎叫水畫。小旦你看山崖上有石痕。  
九道是我將寶劍砍下的。這就叫做水畫。這便  
是低作堰之節度。江神怎叫沙平。小旦你看沙  
灘上露出一頭鐵杵。是我揷下的定底神鍼。這  
就叫沙平。這便是深淘灘之節度。上看水畫下  
看沙平。但準量高低隨時蓄洩。自然安瀾永慶。  
物阜民安。你聽我道。

要孩兒看夏王閭上支祁號鐵樹花開還早。把三  
山移過壓金鰐。這功勲玉壘齊高俺自有劍分水  
畫留千古。你休把鐵作沙平動一毫。合俺威靈到  
只教他千秋萬載平長平消。

江神你須不要放鬆了那業龍守吾法度吾當  
告稟家爹勅令居民蓋造伏龍觀一座教你千

秋血食也

江神領法旨帶業龍下小旦就此擺

隊回衙

尾聲俺只把禹王功開修好但施爲敢覲俺兒曹

小。占。魏。魏。有。誓。水。筠。碑。倚。天。表。

魏徵破笏再朝天

呂南仙

糖多令

小生上家世大唐朝衣冠甲第高秉

忠良編武非造圖畫凌烟遺像暗誰補綴袞龍袍

下官魏暮乃貞觀宰相魏徵後裔國恩世澤官

拜起居舍人現列朝班職居清要想俺祖公公

正直爲臣遭逢聖主當初在太宗皇帝駕下灑

胆披肝知無不言言無不聽遂乃偃武修文太

平致治真個主聖臣直千載一時如今事隔二

百年那朝天象簡還供在祖先堂內寺澤如新

豈不是一件鎮家之寶。今上聞知此笏尙存。特  
地宣召下官。因此親賚朝見。須索到宮門前去。  
走一遭也。正是舊傳寵命王三錫得覩天顏日。  
再中。  
下

郎將上蓬萊宮闕對南山。  
御史上承露金莖霄  
漢間。  
內監上西望瑤池降王母。東來紫氣滿函  
關。  
昭容上雲移雉尾開宮扇。日繞龍鱗識聖顏。

郎將我執戟郎官。御史我糾儀御史。  
內監我司  
禮內監。昭容我戶外昭容。  
合今日聖駕東巡在

洛陽帳殿延見臣僚須要整肅威儀者內淨鞭  
升帳殿介上輦路生春草上林花滿枝憑高何  
限意無復侍臣知可宣奏事官上殿昭容中書  
門下奏事者上殿外上天<sub>上</sub>中台正人間一品  
高休明值堯舜勲業過蕭曹臣平章軍國重事  
晉國公裴度見駕上卿有何奏章外臣無奏章  
只爲久玷台司舉朝公論都道臣晚節浮沉爲  
自全之計老臣有口難分

中呂

調

滿庭芳

位極人臣名高天下孤忠頻蹈危機

忘身憂國。毫髮肯留遺誰。料浮沉晚節。到如今進退。皆非瞞天地聖朝無闕。自覺諫書稀。

上相元臣坐而論道。調元贊化。自來無迹。可尋。須知歷聖憤遺朕心。簡在外廷浮議。卿可不必掛懷。外聖主誠如天地包含。老臣難免春秋責備。上不能格心致主。下不能盡諫極忠。知者謂臣晚節蹉跎。不知者反謂臣保身明哲。內揆臣分。俱所未安。方今雖邊圉未靜。藩鎮未平。幸新進多賢。不患無人。簡用老臣。今日之意。非他。

奏爲衰老乞閑懇辭相位念臣呵

前腔換頭勲高非郭李謬承隆遇功紀淮西幸愚  
孝愚忠都有天知所願丹忱勵匪奈侵尋衰病難  
支餘生在乞身綠野歌咏太平時

上卿文武兼資四朝元老正欲借卿之重鎮撫  
四夷卽如現在維州邊事牛李是非非卿誰定  
者外聖眷雖隆臣衰恐悞國事黃門官上奉駕  
帖傳宣魏徵的孫兒魏暮到上宮門候旨應下  
上朕觀國史先朝忠讜大臣無如魏徵者聞他

朝笏尙存朕思其人想見其笏因此將他孫兒  
召見卿卽今之魏徵也豈可遽圖便安使朕闕  
匡輔之美外老臣衰耄何敢望魏徵那魏徵呵  
前腔換頭忠良無與比補天浴日力贊危微把草  
昧乾坤磐石成基看取貞觀政要論功勞良相如  
醫無他技十思十漸所志格君非

自從魏徵亡後遺直幾人敢諫難受諫也不易  
前腔換頭良言偏逆耳老成人去誰與鱗批對剩  
水殘山誰問蒼痍只顧稱功頌美一般般全是虛

朕恩遇天顏有喜那管是和非

上受諫無今日臨危憶古人朕誦此詩每用三  
歎卿可與朕同觀魏徵之笏此亦甘棠之比也

昭容常參官奏事者上殿小生上太波天爲水

蓬萊雪作山今朝上林樹無處不堪攀臣起居

舍人魏謐見駕宣取先臣牙笏一張恭呈御覽

呈上介微臣昧死奏明這笏已非全璧上面有

破損舊痕數道上敢是你們收藏不謹小生此

笏之破非關別的乃是先臣當日諫伐高麗言

詞懇切失手在丹墀一擲而破從此缺角殘邊  
君臣之分不終幾爲預兆臣聞貞觀之末太宗  
銳意東征舉朝無人敢諫那時節呵

仙呂調

甘州歌

皇圖八表正金甌無闕玉燭長調邊  
烽罷警纔免四方征調怪無端不辭征戰苦自將  
臨邊走這遭兵端起四海搖可憐箇口衆臣僚四  
天力苦打熬獨將手版挿雲霄

上可有諫草留下外國史雖然不載但當日東  
征事在得已彼未犯邊我非縱敵徒然勞我士

衆。但爲前代報仇。即使泉蓋蘇文。罪在不赦。但當調兵遣將。何勞御駕親征。逞志小夷。不足爲武。稍有蹉跌。所損實多。魏徵之言。諒不出此。小生丞相所言。猶如親見。當日呵。

前腔換頭擊天。一柱牢。幸太平。刑措安危。難保修文。偃武。那更跨海征遼。忠言苦口。不憚勞只。見鵠立。通明連諫草。朝衣卸。象簡拋。竟留缺陷在螭坳。可憐僅得瓦全。舊痕宛在。今日呵。收藏處。遺像好。宗臣冠劍肅清高。

外臣觀魏徵獻替之忠可謂遭時遇主然而身

歿之後骨肉未寒舊恩遽替奪婚削爵暗倒墓

碑幾乎從龍逢比干於地下言念及此實可寒

心小生自古道忠臣不怕死怕死不忠臣先臣

只是一心愛國遑恤其他上且問這番惱怒因

何而起小生聖上這也非爲別的還是東征不

肯將順含怒已深說起來其實可怕也

前腔換頭亡隋鑒豈遙道傷痍纔起復番征討轉

輸千里不顧萬姓疲勞由來常勝兵易驕怕賈勇

將他輕看了。箴規切忌諱。遭向來恩禮一時。拋身雖沒恨。未消墓門。拽倒一長條。

上後來天心回轉。慰勞有加。把墓碑從新豎起。又因何事。事在何年。外待得棗兒甜口。已經橄欖酸牙。此事在魏徵亡後。已數年了。小生不是久後來。也不能表白。東征之役。起初一勇無前。誰知日後師出無功。悉如所料。

前腔換頭。東征萬里遙。果損將威重。遲遲歸到那時。追悔方嘆。忠諫人。遙凌烟。勲舊都。漸消歎。笏在

人亡天不弔。休回首。魂暗消。一杯茶酒墓前澆。今  
何幸得再遭。錦囊塵暗聖明照。

上乃祖翊贊昭陵忠貫金石。今留此笏在家。爲  
梧棬之思。在國爲甘棠之愛。特賜卿番錦一端。  
用作新囊。盛貯什襲而藏。留爲一段公案。卿宜  
念祖聿修母怠厥職。指裴介雖無老成人。尚有  
典型。卿當在朕左右。無廢箴規。以對揚我國家。

不顯休命。作謝恩介小生直道從先進。貽謀啟  
後昆。外敢辭黃髮老。留輔聖明君。上就此起鑾。

尾聲合但從今交修好風雲長在故家喬可不道  
拜手明良舜繼堯

上林花木盡蟠根猶見元勲五代孫  
紫陌朝天誰是伴各將忠赤報君恩

動文昌狀元配瞽

外儒服上昔聞桂子月中落今見天香雲外飄。  
樓上誰觀滄海日。門前空對浙江潮。老夫延陵  
舊族世代書香所喜小兒今科發解老夫要與  
他完娶之後北上公車不料他原聘之女忽然  
兩目失明這段姻緣畢竟是美中不足聞得親  
家那邊今日進城作賀須索酒筵款待在家等  
候他者末同丑扮媒人携聘禮上末不如意事  
常八九丑可與人言無二三來此已是見介合

令郎高中特來賀喜外 小子年輕真乃微倖之極遠隔鄉城重勞貴步末 讀書食報親族有光且將禮物放下外 既荷光臨又蒙寵賜何以克當丑 笑介這不是他家來的賀禮還是你家去的聘禮外 怎麼說丑 且坐定再講貴親家此來你道爲何一則賀喜二則退婚交還原聘哩外 這話如何說末 親家休怪從前小女許配賢郎原圖一雙兩好豈料小女福薄喪明已成廢疾賢郎恭喜定當另選高門因此上邀請原媒同

來告謝也

南正宮

普天樂論婚姻何曾誤相女兒方配夫奈嬌

娃殘廢中途好姻緣已成辜負怎教你娶個盲新  
婦教人到此難迴護更賢郎年少亨塗請另擇對  
門當戶須怪不得一朝發迹人心非古

外親家說那裏話且請奉茶

丑親家親家賠酒

賠茶外

且問令愛此疾因何而起末說起可憐

只因先荆病亡繼妻在室小女一心痛母遂至  
哭泣喪明

雁過聲悲呼娘親早故無明夜心傷淚枯更前親  
後母其間故就有千般愁萬般楚端的向誰行訴  
枉鴛鴦繡譜可憐更是瞎兒無淚苦只怨他那生  
的命兒孤

外親家來意可曾問過令愛丑誰教他有目無  
目自然該有夫無夫末女孩家有苦難言他曾  
向你娘說過

雁過沙我一身兒要人扶持如何事舅姑怎操井  
臼親家務忍教人爲我相擔誤似我這樣兒呵怎

教人不相憎惡。更是他青春年少得意。皇都。

外說得可憐。但這是小兒終身大事也須問他。主意如何。丑引外同背介。不是我勢利。令郎年少高科。豈少良緣佳偶。今日之事。這村老兒。倒也見機。你正好順水推船了。還有甚商量。外且等小兒出來者。小生上。一舉登科日。雙親未老時。父親有何吩咐。外我兒先與你丈人見禮。你丈人到此。一來賀喜。二來是悔婚。因他令愛喪明。却要我兒另配。你意下如何。末已經告稟令

尊原聘禮物都帶來在此小生這是那裏說起  
除非小婿有甚不才之處合當見棄若不是呵  
傾盆序當初想人家女配夫嫁雞不道從雞誤只  
爲前世前生注定姻盟一絲定了豈容輕負他今  
不幸未嫁而瞽假若是過到吾門漸生災苦就是  
百病千痛可說他不是吾家結髮婦

岳父在上如今既要改悔前盟你把這在室之人將來作何究竟末無非是老漢養他終身便了有何究竟外自古道女有三從這不少了二

從只在家從父的一從了。五還只怕從不到老。

玉芙蓉 小生這盲人何罪辜喪娘親又拆夫你教他一世情誰看顧無非料量我心兒不固情知缺陷由天數傍人覩也應憐其苦怎親夫反拚的將他來厭惡

丑引小生同背介解元你前程遠大現在本城內錢員外家賠奩萬貫李翰林之女才貌雙全都在選婿招親不怕無人作合解元我道你書中自有賢如玉何必區區戀故人小生呀你是

原媒怎倒說起這樣話來，這個斷難從命。外聽  
介聽我見主見，不愧讀書人，待我再試他一試。

轉介我兒差矣，你娶個瞎婦來家，不想我老夫

妻沒人奉侍麼？你就這般自做主張起來，丑從

來婚姻大事，全憑父母之命，媒妁之言，自做主

張，原使不得的。小生跪介父親在上，孩兒怎敢

自做主張，只是這頭親事。

芙蓉樂盟緣非自圖，父言在當初，敢說孩兒大了。

不由得父外起來講，小生若怕蘋蘩有缺呵，他傷

身痛母那般孺慕。料移來婦道無驕妬。若嫌他無目呵少甚麼賽羅敷。明眸皓齒不賢的婦。

〔外〕我兒既執意如此親家我們當得依他快把原聘收回。不日就要登門請吉別話再休提了。  
〔末〕大媒你看世態人情像他父子們這樣有情有義的實在難得。〔丑〕難得難得絮絮叨叨講得  
口渴外一面面上起席來。〔上席介〕孩兒與你丈人把盞大媒大量彼此當各奉他幾盃。〔丑〕我道今  
日是離筵誰知却是合歡酒。甚麼三盃兩盃大

家。賜飲則個醉倒介。末賢婿。你今雖如此說。只怕你少年人一時慕義。久後來。你在富貴場中。諸凡不便。翻成後悔哩。小生岳父也忒過慮了。  
**小桃紅**。慮將來。非盡無好兒郎。義可沾奈下梢。到底成辜負。我看接木移花。縱好非真侶。若還悔却。塗鴛譜。甘怨曠兩下裏成孤。

末不想你少年人竟恁般古道。如今你此去。自然金榜題名。只是這洞房花燭呵。慙愧慙愧呀。怎麼這大媒醉倒在那裏了。不用驚動他。原聘

帶回老漢就此告別。外多多有慢。末另日總謝罷。正是混濁不分。鰣共鯉。外水清方見兩般魚。

下

仙呂入雙調

玉抱肚生扮文昌帝君引天聾地啞上文。

昌座下偏擺着天聾地啞。儘教人去賣盡聰明聰明悞不如瘡啞。合人間萬事到頭來巧處差。你看天道還親盛德家。

生頃奉上帝勅旨臨安解首不棄瞽妻重倫尚義可選爲今科狀元以彰風化吾神便當奉勅

而行者

前腔帽壓宮花。昨日今朝魚龍變化。他只安心賣  
盡痴呆看。何曾久居人下。合人間萬事到頭來。巧  
處差。你看天道還親盛德家。

天聾把如意拍案下。丑驚醒介奇哉怪哉。我方  
纔做夢。見文昌帝君下降。說新科狀元就在這  
裏。有這等樣事呀。怎麼他們賓主都不見了。還  
不去待怎的。一心忙似箭。兩腳走如飛。

感天后神女露筋

宮正南  
梁州令

旦上一片江湖白鳥秋。正暑雨初收。

奈意慌偏覺步遲留。逢人難借問。趨一段夕陽愁。

何事小嬌娃。行行陌上花。晚來歸鳥盡。啼殺後  
栖鴉。奴家路氏名喚金娘。只因母親病在舅家。  
心中十分疑慮。奴家同着嫂嫂急忙奔向前來。  
怎奈新秋雨過路滑難行。看看日落西山。前途  
尚遠。嫂嫂趨行幾步上來者。副淨作跌上。新綉  
花鞋刻幾分。一般喬樣欠溫存。濺泥不辨幫和。

底十步行來九褪跟妹子你莫慌等着我者旦嫂嫂你面上爲何花碌碌的

副淨妹子我一條

手巾一把扇捏着脚來一頭汗一頭汗粉面界

成三道半我原說婆婆不打緊明日去罷了你  
自寧耐不得如今前不巴村後不巴巷如何是

好旦嫂嫂休要埋怨正是在家千日好出外一

時難你看前面有個唱歌的孩子來了好向他

問路丑扮牧童唱上五月五蚊子生來出林虎

六月六蚊子成團飫蝙蝠七月七蚊子嘴頭硬

如鐵。八月八。蚊子肥來大如鴨。這裏叮一叮。那裏針一針。口裏還要細丁寧。細丁寧。他說世上希奇事罕聞。多年蚊子老成精。蚊子成精會吃人。且小哥唱得好。前面過那溝的路走得麼。丑這時候還問路。前面獨木橋頭。我們還是鳬水過來的。副淨你聽如何。且如今埋怨也是無益了。

雁魚錦。何尤是奴耽母憂。却匆忙不暇思前後。如今便相携。那邊走。累你共崎嶇。兩躊躇。丑你看渡

船上的。人也回去了。日更無人野岸橫舟。三父古。

渡頭。

副淨你道怎處。

日擠着我今宵露處甘生受。

只看那暮鴉兒揀甚枝頭宿。

嫂嫂事已如此只好就此露宿一宵更無別法

的了。

五呀你們要在這荒草窩裏過夜這廂蚊

子的利害可知道麼。

日這廂蚊子如何利害。

五

你聽我道下邊生着蚊母草上邊飛着蚊母鳥。

蚊母草蚊母鳥一苞結得萬花鷹一口吐出千

飛豹。

日當真。

五還早哩更有那打拳蛆出水窪。

子子因風化。他嗜膚吃血無間暇。你若不怕他。  
草窠裏面是他家夜做市早排衙。萬萬千千日  
日加老來還要嘴生花。蓋在甕頭裏。鳴蛋殼上。  
眼如麻放在房簷下。石臼頭上也要叮個疤。昨  
夜我在家土地廟中爬一爬淘出一斗夜明砂。  
副淨如此說這裏料想熬不過就煩小哥引路。  
到村莊裏人家借宿一宵去罷旦嫂嫂差了也。  
你我年輕婦女怎好昏夜去投宿人家。斷使不  
得。

二犯漁家傲。停留莫漫奔投論。田家閨鬪還須有。  
艱難共守也須防。薄倖相遭偶。甚來由思親。淚取。  
甚來由防身。要周甚來由。念衾裯今夜休。丑作撲  
蚊子介副淨妹子你莫在這尋死哩。旦縱然委骨  
荒邱。斷然不尋人保倅。那一頭。只怕你船到江心。  
難補漏。這一頭就是咱死守孤城一敵樓。

丑夜光下了他成團的來了。還不去等甚麼的。

副淨小哥且住。煩你引着我隨便借宿去。旦嫂

嫂同行不失伴。我只不放你去。副淨妹子不是

我不陪你。是你不肯同去。明日來尋你罷。且拉住副淨推跌走。又回顧介癟丫頭笑。你忍死在荒近做鬼也不風流。隨丑下旦起哭介呀。你真個撇下奴家去也。

二犯傾盆序凝眸一片蘆洲。望不見白雲親舍誰相救。作揮扇撲蚊介恨嫂無情。敢行多露。拋奴獨自淚漬衣襟。知他好否。縱然無恙到底是非難剖。咱非是千金深屋藏嬌女也。強如冒耻褰裳過別舟。

雜扮蚊神暗上吹蚊介旦呀這蚊虫果然利害  
得緊

喜漁燈犯如雷聚響亂遮星宿忙禁架輕紈扇落  
早力怯纖手作不住扇落地介謝流螢暗飛好似  
分光照奴雙癡幽這不是捨身施物前生債受多  
少神針法炙端的至死方休情知是狂蜂浪蝶聞  
香採誰教你白璧明珠向暗投

料想這一夜定然打熬不過的了趁着挣扎得  
起時且移向前行但與我娘近得一步死也好

呀這高坡上苦竹叢邊恰好一片乾淨地也。  
錦纏道犯謾回首病娘親魂飛淚流正割股未能  
酬反普同供養蚊蚋啾啾算來我零星受罪不過  
倒不如慷慨捐軀的好臭皮囊與君甚仇小靈臺  
自來無垢勞斷送費綢繆正是路逢險處難廻避  
事到頭來不自由

我的母親戛作投崖倒地介雜扮土地上我道  
是痘殤女兒原來是個癩疥菩薩善哉善哉寧  
可貞潔死不肯苟安生路金娘真露筋只是這

些蚊子呵惡口傷人寃可惜今日天妃娘娘聖  
駕過此雨師灑道風伯清塵急切間且把金娘  
擡過屍身伺候尊神過去再行上奏天庭虛下  
南  
**生查子** 小旦扮天妃侍從上上海顯威靈天一  
**羣神首普渡世間人伸出擎雲手**

吾乃天妃聖母是也來從水府奏事天庭經過  
揚州地界遙見一道怨氣冲天不知是何事體  
當方土地何在雜上小神叩見本日有路金娘  
子探望母病路阻邗溝守節全貞死於衆口小

神正要啟奏恭遇聖駕來臨合當陳啟聽候指揮小旦原來如此你便去宣那金娘鬼魂來見雜領法旨下且上金娘鬼魂見娘娘聖駕小旦你可將枉死情由一一奏來

香柳娘且爲娘親病起爲娘親病起跟蹤急走奈荒郊曠野時將酉聚蚊聲似雷聚蚊聲似雷姑嫂各薰蕕獨自填仇口碎紅顏膚腠碎紅顏膚腠似針芒箭頭文身刺繡

妾身雖是田家之女聞得身體髮膚受之父母

不敢毀傷。今遭此厄，百刲難消。合就尊神前領罪。小旦左右揭去他魂帕者，果然爲小醜所傷。額筋盡露，以身殉節，貞孝可嘉。你本是路姓金娘，吾當轉奏天庭，封爾爲露筋神女。在吾部下做邪溝一帶水府神祇，用顯幽魂，以彰烈節。且恭謝尊神超拔。

前腔似金蟬脫殼似金蟬脫殼形骸何有只本來真性無消朽想萱幃惘然傍雲幡儼然不是粉骷髏塵凡自叅透謝尊神見收謝尊神見收芳魂再

修永酬高厚

小旦既如此金娘聽吾諭旨從來幽明一理務  
要佑善除邪你將來秉仗威靈便可代天行化、  
吾當上奏天曹去也旦領法旨

單調風雲會合最難留人到三父口失足般般有  
榮貪安一旦休那堪回首匪石堅貞魔障原難受  
好顯得香名千載流無限芳菲杜若洲

旦小流盡胭脂水

旦繁華未歇消

空江留片月

三尺女墳高

華表柱延陵掛劍

呂南仙

鵲橋仙 小生上遨遊天下。一鞭回鞍裘馬翩  
翩簇擁侯王脫屣剩閑身。只四海交遊情重。

官人迎送路人指爭看。濁世佳公子腰間寶劍  
值千金。駿馬追風去如駛。俺延陵季子周室懿  
親吳王介弟讓千乘之國。如委泥沙慕四海之  
賢。如同性命。前因嗣君卽位。命俺歷聘中原。一  
路裏遍觀名山大川。且陰求天下奇士。自夏徂  
秋。壯遊數月。雖則跋涉關山。車徒勞頓。所喜憑

今訪古論樂歌詩得有數人知已可不負俺走  
這一遭也不是大名垂宇宙怎教到處有逢迎  
**甘州歌**  
**合離愁散冗喜過江開拓萬古心胸黃河**  
**如帶早見岱宗遙聳西登太行雲盡白却接決決**  
**齊大風長思想到洛中中原文獻不應空回首**  
**驚斷蓬幾多國士笑相逢**

俺此番北上有齊大夫晏嬰晉大夫叔向衛大  
夫蘧伯玉鄭大夫公孫僕這四位名賢與下官  
解帶寫誠都如舊識所恨南轍北轍天各一方

從此回首中原端的離多會少侍從們前面甚麼去處衆已到徐州界上了小生且喜回到徐州此間徐國之君曾與下官入拜爲交真乃是世味酸鹽外交親氣槩中準盼着歸途欵叙却早到來好不欣幸也那徐邦呵

前腔換頭合東吳舊附庸便縱然蕞爾襟帶齊宋只愛他箇人如玉情懷上霽月光風彈琴自賞誰和汝看劍論交若個同前宵夢客館中今朝歸騎莫匆匆班荆去快寫胸只愁燭跋話難窮

〔末上〕昨日班荆地。今朝下馬陵。徐國陪臣迎接。

〔大吳公子〕〔小生〕你國主好麼。〔末〕啟上公子。天有

不測風雲。人有旦夕禍福。痛先君無祿。已經永

別公子了。那前面高岡。望見的就是寢園之地。

〔小生驚介〕呀。有這等事。那有這等事。就到他墓

前去來。〔末〕園內荒蕪。不知車騎辱臨。有缺酒埽。

〔小生〕不妨。你自引路。〔末〕曉得。〔小生〕無端地下埋。

憂做成短夢。〔末〕只恐碑前墮淚滴。醒長眠。來此

已是。〔小生〕呀。你看愁雲在天。落葉滿地。山川如

故華表雙高可不傷感。人也就此下馬侍從們道旁伺候。衆應下白楊何蕭蕭。風聲若哀訴。地下有陳人。杳杳卽長暮。待我喚他幾聲。徐君徐君。你故人吳季子。千里馳回。有無限衷腸相告。如今下馬在此。你知道也。不知道。揮淚介。

南呂 大師引我遍天涯。幾個知心共。到中原。慕想賢豪。只數公。可是那善交平仲古。遺愛苧縞相逢見。蘧向也。高懷殊衆是吾儕。特地相知重。遙傾聳。逢人要識。人怎知道墓門華表泣西風。

末公子路途勞頓、請免愁煩。小生大夫、我想起一事、你國主生平雅有純鉤之好、吾腰間所佩的、賽過昆吾、曾許回來解贈、怎知今日劍在人亡、我只好把來掛在他華表柱上、以表吾昔日之心。末仰見公子、然諾之重、義動幽明、吾先君有靈、冥冥中自當前來領受。掛劍介徐君有知、你自領取劍兒呵。

前腔把你化青蛇、遙向黃泉送道延陵思君帶鬆特解贈、慰君珍重、好教你魂魄俱雄、斬斷人間噩。

夢我待留一吷。怕四圍山悲風淒動。相承奉似扶桑掛弓。敢則待氣冲牛斗。會天宮。

未竊聞寶劍之氣可以上冲霄漢。豈不能下達重泉。只今借劍傳情。也算相逢一度。且請公子。

小憩片時者。小生坐介。這不是五里松前。多敢

是三生石上大夫。我正要問你。遭此變故。你國

主身後之事。怎麼樣了。未痛念先君早薨。嗣子

幼弱。國小無依。多蒙公子垂問。小生世事茫茫。

可勝感歎。前日我在客館中。曾夢見你國主抱

着一個孩兒向我欲言不語恰被這劍在床頭  
嗚嘯起來一驚而醒末不是生前氣誼相投怎  
得死後精神感召小生只想道路迢遙他因何  
托夢于我

三學士千里魂飛來入夢怪他慘淡音容怎知他  
死別吞聲去有身後蒼茫付阿儂此時此際國危  
主幼藐是諸孤辱在大夫只怕的死生人事改見  
孤危的鮮効忠

末公子尙如此用心我等送往事居敢不効命

小生所愧下官力薄能鮮。辜負良朋不能鎮撫其社稷。但是俺有生之日。再不遣一匹馬一條箭。到你徐國界上。倘若有別國侵凌也來告我。知道末公子言念及此。我小國歿存均感。小生感甚麼來。只恨我遲來一步。末送茶介宿艸空流淚。長途台飲氷。公子用茶。小生且放一邊。起立介下官今日到此。道路匆匆。生芻未具。我只得撮土爲香。就這一盃茶澆奠于你。拜介百年朝露。情知過去難留。幾度秋風。不覺悲來易慟。

徐君呵我與你幽明路隔從今辭別你去再無  
相見之日了

前腔高塚麒麟碑一統叩荒原涕泗無從俺生傷  
尙想人如玉你寶劍長埋氣似虹將來下官有事  
北上須將遠道而行再不從你這廂經過了也末  
這却是爲何小生唉大夫怕到此白楊重繫馬對  
青山更痛不窮

末君亡國在還請公子停驛舊館小生大夫我  
使命在身不得入郊一唁國家聘贈自有常禮

只生死交情此情無盡左右帶馬就此啟行衆

應行介末茫然世事遣人猜山木蕭條逝水哀

小生古往今來皆涕淚一生襟抱向誰開

此已臨大道請負弩前驅小生大夫先請

尾聲歸騎無端來上塚傷心處雁呌長空早回首  
松楸暮靄重

東萊郡暮夜却金

南正宮

喜遷鶯

外扮關西夫子袍帶引從人上榮叨  
師表看政在詩書學在條教攬轡清風隨車甘雨  
免他供頓徒勞千里海東風化兩字關西節操清  
白在待褰帷露冕正詔羣寮

吾乃關西楊伯起下帷教授弟子千人身爲大  
儒志存古義前蒙公府辟召出刺荊州今奉詔  
書特拜東萊太守現在單車赴任郵籤報來已  
到昌邑地面吩咐可就此住宿擇日吉時上任

者衆應介外踏莎行半世青氈廿年絳帳致君  
時作唐虞想六經猥被後生師一麾暫做諸侯  
長竹馬兒童香花衢巷紛紛迎送何勞攘豈知  
恬淡一儒生布衾瓦器單車上吩咐張燈吾要  
草入境奏章一應迎接官員人等明早傳見衆  
應下內作起更介末扮門吏上啟上老爺一應  
官員都已散去只有昌邑縣官王密在外伺候  
要夤夜求見外既如此就傳進來生扮王密進  
見介外賢令是吾荊州所舉茂才不想又在此

處相遇生昔爲舉主今爲上官獲戴二天三生有幸外賢令在家見重鄉評在官豈無政績今來有何見教生竊有下情未敢造次末下外請教不我邀棄示我周行生言采其芹承筐是將懷中取柬帖呈上外接看介謹具奉申呀老夫是你故人故人知道你你竟不知道故人也擲帖介吾今下車伊始延見諸公所望集思廣益聞所未聞不意賢者相遭乃是欲來汚我可惱可惱生且請息怒豈不知大人一片冰心但行

李往來用矯從者亦屬交際常情不才仰辱薦  
劄平日居官自愛又非有所干請只此區區私  
覲料外人也不得而知外好個私覲就這一個  
私字天昏地黑你說無人知道上有天知下有  
地知你之外有我知我之外有你知何謂無知  
你道欺得那個我今日呵

雁魚錦雁過聲相遭那得將氣消便登時奏劾忙  
起草怕我下馬兒威風少生拾帖謝介外常言道  
若要不知除非莫爲明放着湛青天恁般高你不

投明邦向暗中拋將人瞞得牢。只怕瞞不過有眼。  
皇天照那裏有二天天教你私依靠。

生一時愚昧冒犯清嚴望乞恕罪

二犯漁家傲外高高晝日當霄那九重天子便真  
個如蒼昊欺他可好你舉頭時敢咫尺天知道地  
知饒他立不牢你知饒他心自搖我知饒我粧喬  
四不饒瞞心處笑你徒勞相知如今是兩遭那一  
遭道你是不負舉的茂才真異等這一遭方信你  
是不惜財的分賊好縣僚

生不才萬死荷蒙薦舉何敢稍涉貽私今日下情都是出於清俸

二犯漁家燈外何消惠贈分毫你想我二千石吏寧難飽况我單車載着布被將儉爲廉猶愧恩叨算若干爾俸幾多爾祿殷得罄囊討好料無非膏脂剝削層層擾好待半去肥家半奉高

生大人官箴至當還望察情外還察你甚麼情  
喎

喜漁燈老夫耄矣濫爲師表承君命除殘去穢須

有個分曉更朦朧到來教我包苴汚身先自招只  
恐自心不淨人難問既同道怎相檢較敢做執法  
蕭曹今日裏是偶垂芳餌魚貪釣他日裏便任意  
閑眠鼠共貓

生不才那有他意原是一點感恩圖報之心不想大人十分見責起來外呀你道感恩却是這樣圖報的麼

錦纏道犯休草草幸寬洪人非斗筲市道既非交我何難寫着白簡申朝背介只怕他身敗名消轉

介須識我用心公道只待你變前操莫要乞憐暮夜愁人見又去將人白日驕

你去罷勉蓋前愆試圖後效生不才萬死仍荷  
矜憐愧謝不盡下外咳老夫每日行事到夜來  
都焚香告天怎麼有人以私干我難道我平日  
間還有教人信不得去處也正是

介圭無藻飾

古井息波濤

惟將清苦意

獄立冠人曹

下江南曹彬贊衆

宮正南

梁州令外帥服擁衆上車書混一帝王州殺  
運將收鍾山餘孽尙魂遊合孤城如破竹一鼓下  
且遲留

昭君怨誰道金陵無罪臥榻傍邊鼾睡鳴鞭喚。  
醒來陣雲開一字止戈爲武萬里義聲先路蒼。  
生喘未蘇仗洪圖我曹彬奉命專征統兵十萬、  
前下江南所喜一路來兵不血刃直抵金陵已  
將孤城圍困只可惜這一城生聚前日我曾貽

書李煜勸他早早投降、怎奈他執迷不悟、到得一聲摧破、四下風塵、將喜殺戮之威、兵貪鹵掠之獲、可不是錦繡城池、一朝塗地、末扮中軍上有聖旨到。

越調

金蕉葉老旦扮內監捧劍上洪猷壯猷更寶劍

上方親授閱森嚴萬竈貔貅怕犯了猛將軍的營  
邊細柳

欽奉聖旨賚賜曹元帥尚方劍一日但副將軍以下有不用命者可斬訖奏聞領旨謝外謝禮

畢相見介老旦風動將軍幕外天寒使者裘請  
到後營把盞老旦下外我想此時此際功在垂  
成聖上此劍之賜却是爲何從來刀瘡藥雖好  
不割爲妙我自有道理

正宮梁州令鷹揚親奉廟謨猶笑看吳鈞代天行道  
代君憂赫然兵似火行弔伐敢虔劉作欠伸介

吩咐本帥身子欠安一應軍情着暫停通報

末

應下四將上副淨殺氣冲開陣上雲丑天邊飛

鳥避轅門生軍聲肅穆山河壯小生中有輕裘

綏帶人副淨我大都監潘美丑我先鋒將曹翰

生我水軍都將王明小生我馬軍都將李漢瓊

合聞得元帥欠安同到牙前問候末傳進見介

合末將等仰蒙威信功在垂成忽聞尊體違和元帥想是櫛沐勤勞太過了請急加調治好奏膚功外列位不知我這是心病非藥石所能治也合九重推轂更加一劍之威衆將連鏑共効三軍之命請問有何心病來

呂南梁州序犯外天威遐布衆賢畢湊多少健兒身

手一身臥護敢稱多病留侯喜兵行風草人望雲  
覽四面都後金陵王氣也黯然收怕不是一片  
降旗出石頭我心上不愁金陵不破只愁城破之  
後那時節呵合人千萬懸吾手崑岡火燄誰相救  
那玉石難分割

丑元帥奉朝廷命令仗鉞專征那李煜癡騃不  
識順逆累我們曠日持久坐守堅城一旦摧鋒  
正當盡敵而返區區小仁小義何足惜哉外怒  
介住了本帥察聽軍情只你先鋒營裏軍心怠

慢專以鹵掠爲事。如今看來，竟是你有心驕縱。左右把曹翰綁起，看劍。

衆跪介

元帥息怒。

外列

位，豈不聞兩川之亂，王全斌近事可見。

前腔  
皇仁兼覆兵殘致寇激變西川非久况金陵  
何罪癡兒磕睡駒駒你看山川圖畫人物衣冠生  
聚年時久忍下得咸陽一炬裏變焦邱狼鶴沙蟲  
滿地愁合人千萬懸吾手崑岡火燄誰相救那玉  
石難分割

合仰見老元帥威德並行王者仁義之師正該

如此外須知聖主以生靈爲重、老夫奉命而來、  
義在弔民原非耀武、但是衆心不一、軍法無私、  
諸公又都是國家勲舊、自古道矢在弦上、不得  
不發、誠恐臨事之際、不能相爲保全、故此鄙懷、  
積而成病耳、正是天機近人事、獨立萬端憂、  
若果如此、元帥有令、誰敢不從、外足見諸公厚愛

前腔覆巢時完卵難求破竹處還須留手歎機槍  
迅埽似摧枯朽把龍盤虎踞幾番兵燹金粉消何

有更摸金校尉去遍墟塈可也。庾信悲哀淚更流。  
合入千萬懸吾手。崑岡火燄誰相救。那玉石難分剖。

丑小將知罪外。你再若約束不嚴。軍法具在。既知罪了。且饒此次。衆元帥大恩。

前腔外竟長空。旗捲蚩尤。待勝殘角。端仁獸體好生天意。吾皇恩厚。只怕兵貪將忿。暴還易暴。負却來蘿候。卽此呵是關身。疾痛也與君謀。舉手介你可也。悲憫同心。我自瘳。合入千萬懸吾手。崑岡火

饑誰相救那玉石難分割

今日之下既諸公同此一諾須得焚香立誓擡  
香案過來作拈香同拜介我們向天禱告一克  
城之日不得妄殺平人二不得擄掠居民子女  
玉帛三不得發掘居民塚墓再李煜一門不得  
擅行加害諸公愛我但誠心共誓克踐盟言吾  
病自當勿藥而愈合元帥威信有違此誓者天  
日鑒之外澆酒介

節節高神明在上頭告君侯焚香共此澆天酒他

困猶鬪。非有仇情堪宥。少不得若崩厥角咸稽首。  
若一人妄殺天不祐。合時雨行天帝王師春風滿  
馬聽金奏。

非是我貪着小仁小義來。天道神明人不可妄  
殺。

前腔你看功封萬里侯。沒來由將家三世多殃咎。  
願膚功奏鋒刃收殘黎。救一時挺鹿無驚走。便普  
天共此登仁壽。合時雨行天帝王師春風滿馬聽  
金奏。

同酌酒介外。這酒治病勝似丹藥，只望臨時諸公約束嚴整，眼見得江南士庶從此去暴依仁，不知有滄桑之感。市肆不移，耕耘不變，謳歌歸舜，其樂無窮。合這都是元帥全勲外，尙賴諸公協力，待得奏凱還朝，吃過太平筵宴，老夫還要與諸公痛飲者。

尾聲笑維摩示疾原無有。合爲蒼生請命告君侯，俺還要盡洗兵戈天漢流。

鳴玉鏘金盡正臣。修文偃武不無人。

興王會淨妖氛氣。

聖壽宜過一萬春。

韓文公雪擁藍關

北仙點絳唇 小旦扮韓湘子吹笛上福分難消蓬

萊靜悄乾坤老輸與兒曹一黠先天妙

棄世學神仙神仙笑人誤豈知忠孝心卽是神

仙路自家韓湘子七世童真九齡入道無生證  
果自然五氣朝元未冠登真早已三花聚頂慣  
在人間須要無煉無修閒來天上逍遙非天非  
壽正是彈指落花無盡刼千秋萬載一童身今  
日在大羅天上忽然想起俺昌黎公公厄難到

來俺因此飛空而至他因上了佛骨表觸怒當  
今貶向潮陽而去算來今日該過藍關俺且先  
到那廟等待他去養成丹竈無烟火點盡人間  
有暈銅我想凡間有個三教之分到了天上萬  
法歸一只是還他一個善惡邪正分明你在雲  
端裏面看那下界呵

混江龍單則是上方重眺幾曾百里辨秋毫只見  
那遍地裏紅塵滾滾普天下黑霧滔滔則幾個忠  
臣孝子義烈人豪赤淋淋天真感激頭巍巍至性

堅牢從來是這樣人偏有許多磨難喜的是真金  
不怕火他頭頂兒上呵他一道罡風迎浩氣直冲  
黑霧貫丹霄莫說那邪魔煞黨辟易奔逃就是些  
星官天將敢毛骨森蕭則俺八洞高真廝遇處也要  
一邊拱立讓他遭忠和孝這是天上人間齊印  
可萬空充塞起心苗

話猶未了你看遠遠的長安一帶雲煙冲動俺  
祖公公敢待來也此時下界正值大雪嚴寒看  
他到來困苦窮途有無怨悔來者立高處吹笛

南  
鐘  
黃

點絳脣外扮韓文公執鞭上枯木寒鴉愁雲  
一帶空圍繞。潮陽望杳。冰雪關山道。回首觚稜。一  
夢今方覺。人潦倒。丹心日。照慣與風霜傲。

一封朝奏九重天。夕貶潮陽路八千。欲爲聖朝  
除弊政。肯將衰朽惜殘年。我韓愈竄逐而來。童  
奴驚散。形勢倉皇。到得此間。又是嚴寒大雪。行  
人斷絕。路徑俱無。呀。這風雪中。何處笛聲嘹曉。  
你聽他裂石穿雲。清商激越。好不淒涼傷感。人

也小旦唱下你是儒流。關異端。異端先關。自家  
緣西方佛骨燒不去。一任見孫元。又元祖公公  
拜揖外原來是湘子。你緣何到此。小旦知道祖

公公有萬里之行。特來作別。孫兒已在此等候  
多時了。外我倉茫遠竄。家間不通。你怎得知道。

小旦祖公公。你還記得頃刻花中詩句乎。指介

那邊是甚麼山。外是秦嶺。小旦這邊是甚麼關。  
外是藍關。作點頭介好奇怪。雲橫秦嶺家何在。  
雪擁藍關馬不前。你怎麼早知道了。湘子呵。知

汝遠來應有意。好收吾骨瘴江邊。小旦呀。你要燒佛骨。你自己的骨頭。又是愛惜的麼。且請祖公公。將惹禍緣由。細說一番者。外湘子。你聽我道。

神仗見丹墀進表。丹墀進表爲桑門祈禱。碍先王正道。弄得四方傳笑。迎佛骨遍遊。邀迎佛骨遍遊邀。

滴溜子。龍樓下。龍樓下。梵音海潮狂。瀾起狂瀾起。障來已倒歎。此心惟天堪表。待把涓埃答聖朝。違

時所好。因此上。干冒宸嚴。曾不恕饒。

小旦這風雪下得越緊了。且在半山亭子躲一躲去。外使得行作到坐介。湘子。我以疎狂獲罪。自甘九死南荒。只可憐一家骨肉。曾有幾人似你早年孤露。又性喜雲遊。眼見得團團無日。正不知將來。各人漂泊何所。小旦祖公公。請免愁煩。

越調近詞入破第二念孩兒尙童稚。孤立無依倚。有誰來愛憐恩庇。感慈懷更繁繫。骨肉臨岐。但我翩翩。

孤鶴雲裏霧裏。泛泛浮槎。沒根沒蒂。上丹梯。早已致身福地。不復人間戲。大父母是天地紅塵外。其樂隨意。只念衰頰。此去天南迢遞。待牽衣小別。今朝無端雪涕。

外我不是兒女之態。只爲身受國恩。我去後。朝臣內絕少法家。弼士。因此戀闕區區。不能自己。

破第二 小旦 九重聖明。問着安危。計有大臣調劑。何勞跋涉。遠流涕。况裴丞相。朝中柱石。方隆眷倚。想事業中興。一夔足矣。

外這也說得是，只是佛教滅倫、妖僧惑世，我一  
發不中，勢愈猖獗，真乃不復知天大空餘見佛  
尊，怎教我不擔着千古之憂也。小旦你再不必  
枉費勞心了。

表第三四大神州一塵裏，與三教爭閑氣。笑入王  
出奴誰是非，還似戲。况把癡窮養濟，王政難周缺。  
憾從教補裨，你自癡。看後果前因，非難猜啞謎。

外我原說佛如有靈，甘受其罰，倘我生還無日，  
你須記我詩中一語。小旦不到得如此，吉人自

然天相。

歇拍此去此去千鄉萬里。却早定數安排矣。留雪  
爪似鴻泥。若怕蠻烟難道南荒無吏事不齊否。泰  
循環榮枯是非。

外正是升沉應已定。不必問君平。趁此風雪漸  
開。吾當就此別你前去。作揮淚起行介。小旦祖  
公。公不用傷悲。你此行還朝非遠。但那薑桂心  
情還宜磨去些好。外你說那裏話。

鐘啄木兒我中心正秉氣高薑桂森嚴直到老那

些個便明哲其身我這裏其愚難到畢竟立功立  
名值多少生心昧心天知道爲甚的百鍊金鋼一  
旦消

小旦人生百年花開頃刻祖公公你可不着相  
了些外你道百年頃刻我道頃刻百年

前腔你看丹心照青史標這就是萬載長生真不  
老等閒間小節鏗鏗振古來大義昭昭今日裏正  
色立朝天不照他日裏就做商于楚屈無哀禱至  
竟來一身無二道

小旦似你爲臣忠正仙佛同欽只可惜你太勞  
受困了也

三段子外此生本勞。仗丹心人豪氣豪。那天本高。  
任孤征山遙水遙小旦。祖公公只歎你做官依舊。  
能潦倒一生何日開懷抱。勸你及早歸來却不是  
好。

祖公公保重孫兒去也一聲鉄笛人何處飛上  
千峯紫翠間下外呀湘子說一聲去竟去了倒  
是他不來也罷如今反教我萬里征人百感交

集你看茫茫前路雪渺模糊且自崎嶇前去者  
歸朝歡垂鞭去垂鞭去朔風亂飄吹笛的聲兒漸  
杳藍關外藍關外離愁怎澆正不知九重天何時  
再朝諫古來仲尼孟軻難行道綱常世上多起倒  
免不得獨自身將巨擔挑

漫天風雪不難晴松檜經寒老更成  
佛骨未燒雖有恨千秋吾道賴干城

荀灌娘圍城救父

南越

風馬兒

小旦上。小燕危巢不耐驚。拈針線。又

重停鏡。臺前驚見旌旗影。相看困坐無計。慰椿庭。

生小深閨未離膝。誰知一夜西風劣。拈花欲笑。

却成顰。狼籍畫眉長。又濶奴家荀氏灌娘年方

一十三歲。母親亡故。止留下奴家一人。俺爹爹

鎮守襄城。遭山賊杜曾作亂。圍困孤城。鎮日上

城守禦。不得回衙。正不知作何計議。好不傷情

也。生扮荀崧戎裝引衆上。忍死重圍。鼠雀熏只

留忠壯氣如雲。孤城已作王罷塚。弱息難全。李毅軍外廂伺候。衆應下小旦爹爹萬福。連日戰守如何。生不要說起。俺苟崧臨老無兒。有恨誰知。如今糧援俱斷。危在旦夕。只可憐孩兒沒處安頓着你也。派介小旦爹爹且休煩惱。孩兒不足掛懷。事須死裏求生。還請別尋計較。生兒阿事到今朝。還有恁計較。現在只有梁州鎮將周訪兵精糧足。是吾八拜之交。但我一身孤獨。那得梯已人去。只索罷休了。小旦既如此。爹爹請

放心不怕沒梯已人去生你道有那個小旦待  
我去喚他出來下生女孩家一味嬌癡知他說  
個甚的

山桃紅則見雲梯衝競雉堞將傾是處兒風聲勁  
害嬌娃受驚只道是夜月聞箏早都是登陴哭聲  
苦我半世孤兩鬢星這場兒端的無蹊倖也就是  
你望救邯鄲有信陵又那個能將命何來救兵只  
嘆的伯道無兒莫請纓

小旦改男裝帶劔馳上簪花藏媚格佩劔表雄

心爹爹請看，這不是你的梯已人麼，就此請令奔上梁州去。生我道那個梯已人，像你這小小年紀，就是男兒也還早哩，真成兒戲了。小旦爹爹休要這般說，如今父女坐守孤城，畢竟是死放孩兒冒險出去，也只一死，倘出得去，還可死裏求生。爹爹若決意不聽，不如一命先捐，免得親心牽挂。生孩兒不用如此，却教我如何捨得。

小旦孩兒豈肯輕離膝下，只是如今顧不得了。前腔恨孩兒不稱枉掌上看承，違親命改裝便行。

休念我路途梗。休念我瘦伶仃。就此撇下奴拋出城去。衝鋒只等的更兒靜也。煞強如束手重圍併命傾。是那個能將命。何來救兵。且休嘆。俏道無兒莫請纓。

生也罷。我只得斬斷愛根。由着你罷。但這圍城中如何出去得。小旦兒會捕翅飛。走虛不走實。生得幾人護送。小旦一個啞崑崙。便是兒腳力。生要恁麼通關。小旦告急一封書。是要親筆跡。左右快取筆硯來。生還用恁麼筆硯。我只得咬

破指尖寫血書求救罷

前腔苦我花箋血映動他香火盟情

小旦這書札

內如何寫生只好說遭不幸遣兒奔命我的孩兒

呵只念你路途梗只念你瘦伶仃教我望眼穿雨

淚零送孩兒更自成孤另也還不知死別生離是

怎生合是那個能將命何來救兵只嘆的併道無

兒女請纓

生授書介書用蠟丸你自賣去只是一件我無

子息他是知道的你去怎生答應你就改裝還

怕露出破綻來反爲不美小旦爹爹放心者。  
前腔那個圖形畫影但須見景生情此去權將命  
暫離定省只慮你衰年景只慮你坐愁城虧着有  
道義交生力兵待兒家想與孤城病也料急難能  
無見面情合是那個能將命何來救兵且休嘆伯  
道無兒莫請纓。

孩兒方纔上城觀看四面圍得鐵桶只東南角  
上賊兵欠整爹爹可傳令在西北角上豎起降  
旗只說守城力竭明早出降哄得他軍心懈怠

等夜靜時，孩兒便可從東南角上，繩城而去矣。  
生說得有理。小旦爹爹請上，孩兒就此拜別。仗  
劍出門去。耻爲兒女憐。生不知生死地，淚盡別  
離間。

收尾合相看，淚眼空悲哽。早繩城暗度，三更怎能  
殼破鹵歸來，一笑迎下。

外扮周訪上白頭一老赤心存。侵曉霜寒闢戰  
門。誰使不眠憂戰伐。可堪無力正乾坤。下官南  
中郎將周訪是也。只因山賊杜曾作亂，下官鎮

守梁州曾把杜曾那廝殺得他抱頭鼠竄兵潰而東等來襄城必遭其毒現在本境稍寧但襄城久無音耗不知却是爲何

軍吏上

轅門外有

荀家小公子求見外請進小旦上

北正宮端正好趨程途無昏曉據鞍心扭斷纖腰便殘更下馬人聲悄也索向轅門報

見介伯伯請上待孩兒拜見外請起小旦世亂

方多故垂髫亦行李外從來汗血駒所志卽千

里賢姪如此幼齡因何遠涉到此小旦伯伯聽

稟

滾繡毬爲家爹代勞。命投奔故交。外呀久別荀兄。  
原來無子有子。小旦早年間本是無兒伯道却還  
有發旁枝。庶孽根苗。外賢姪眉眼克肖怎帶些女  
相來。小旦那裏有輔漢廷留侯相貌倒是個哭秦  
庭。七日申包有家爹血書在此。呈書介困孤城難  
打熬似倒懸須救早。外拆看介呀賢姪你來差了  
我這廂防賊自顧不暇那得來救你。小旦跪介咳  
我只得屈身軀代親哀告難道是我爹行錯認賢。

蒙。

外。搖手介。小旦。

全。不。念。在。原。急。難。良。朋。少。生。把。

香。火。深。盟。一。日。拋。伯。伯。呵。這。的。是。八。拜。之。交。

起立介。外。賢姪。休怪。我與尊公相好在先。此際

斷難從命。你別處投奔去罷。小旦。上山擒虎易。

開口告人難。果然是我來得差了。只可憐家無

長男。我爹不是萬分無奈。怎肯叫個小哇哇。從

刀尖上鑽出來。投奔到你。我也再無別處投奔。

伯伯在上莫怪。我小頑童。污了你的地土。濺了

你的龍袍。今日今時五步之內有死無生。可憐

我小孩兒頸上的熱血能有多少但一點一滴  
酒在你墻前好叫人知道我荀郎是來過這裏  
的作按劍介我的爹爹呀孩兒今生不能報答  
你了

伴讀書這是。你做孩兒的無材料。不是他做父執  
的不賢豪。既不能救你形衰髦。倒不如一朝効死  
堵前好。只恨死去呵。反不能父子相持抱。只落得  
兩下相拋哭倒介

作向天跪拜拔劍自刎介外急下抱住介我的

見呀，你何遽如此。我做伯伯的，是把話頭來試你，莫說你父的交情，就是你這一場孝感也。叫我如何坐得穩？你且起來，等我孩子回來，你弟兄們相見，要發兵多少，就着他同你去便了。

旦 伯伯一言既出，真乃生死而肉骨也。拜謝起

介 小生扮周郎上 仗義切同舟，元戎奮壯猷。少

年別有贈，含笑看吳鉤。方纔教場中，正在把孩兒兵操演，聞得荀家兄弟來此請兵，何不就在此數內挑選八百名兒，自統領前去，儘足破賊。

但不知兄弟意下如何。外可與荀家兄弟相見。  
見介外賢姪可嫌兵少麼。小旦兵精不在多。但  
憑伯伯便了。

笑和尙只要一千名似虎虓。就是八百個非嫌少。  
料賊衆攻圍早。多應是此時疲弊了。論兵法貴乘  
勞。但要怒騰騰。把先聲多鼓張軍號。

外孩兒同你兄弟後堂一飯再行。小旦哥哥你  
自請便。

叨叨令痛圍城早已無糧草。怎孩兒在此能獨飽。

哥哥只要你牢拴緊扣揚鞭早星飛快把雄兵調  
我與你馳檄去也麼哥我與你射書去也麼哥只  
說道小將周郎統領着梁州十萬的強兵到

外既如此我也不好留你生旦孩兒們奉令就

此拜別小旦爲人須爲徹小生救人須救急外

不道二郎神得了哪吒力外下小生兵貴先聲

我已馳檄前去兄弟就此勒兵小旦願觀小生

四百名刀斧手上作勢下四百名旗牌手上作

勢下小旦果然精練也刀牌齊上小生孩兒們

聽令離賊百里。銜枚疾走去。賊五里金鼓齊鳴。  
就此兼程殺上前去。應介

川撥掉合齊奮勇盡垂髫盡垂髫偏出跳

小旦哥

哥須要乘夜進兵。使他不知我兵多少爲妙。合我  
和你火把連燒金鼓齊敲。但顯得我兵來不少。驚  
得他填坑也。那又落壞。

七兄弟那須用虎韜豹韜。早賽過了霍嫖姚。便夾  
攻裏外。齊鵬勦管教會合。在今朝。只怕你父子重  
逢。痛哭難成笑。

雜扮杜曾擁衆上殺敗下小生追趕下小旦且喜賊兵冲散回馬城濛開城門下弔橋開城門下弔橋喜得啞巴兒高叫飛信先跑早望見射堂旗號爹爹何在生上已拚生死別疑是夢中來見旦抱哭介見呵好叫我疼煞你也小旦孩兒請救遲延教爹爹多多受驚恕孩兒不幸之罪生虧你怎生請救來的可細說與我知道小旦爹爹聽稟

梅花酒呀這一場難打熬誰知他老友粧喬倒是

這小友賢豪畢竟是兩個小兒。曹把一陣豺狼冲散了。生那梁州是誰領兵來此。小旦是那周家哥哥，好不英勇哩。他一直趕了下去，定要擒將劇賊馬前梟。叙功勲心事表。那名將種定是有根苗。生等他到來，自當推牛釀酒。小旦待太平筵上叙同袍，却不羞殺我女申包。

孩兒自出門去，衣不解帶多日了。待去梳洗了出來。生使得。小旦下門軍上周家小將軍到。生快請相見。小生上男兒欲取封侯印。腰下常懸

帶血刀。叔父請上姪兒拜見。先不知襄城有警。  
不會早赴救援。今同兄弟趕來。已將賊帥杜曾  
首級梟下。特來與叔父獻俘。生遠勞賢姪。救患  
分災。真乃將門出將。小生怎似兄弟幼年不辱  
父命。孩兒自愧不如。僥倖賊兵自退。何敢言功。  
生賢姪領兵勞頓。先具一盃水酒。與你弟兄們  
洗塵。小生如此。卽請兄弟出來。小旦女粧艷服  
上。傾城女子作干城。曾賦無衣解佩行。今日埽  
眉重問訊。鏡中人面看分明。哥哥萬福。小生驚

介呀纔脫征衫便斑衣戲綵哩小旦並不是戲  
特地出來見禮

收江南呀這權宜行事忒蹊蹮只記得漢緹榮爲父哭當朝又誰知木蘭娘也代父執弓刀那周伯伯呵說咱是千里駒兒忒恁好早瞞過他不知牡牡的九方皋

小生是戲是真我偏不信小旦你一向做夢哩

煞尾從軍一樣男兒表鎮日裏並轡聯鏑但歸來重整翠雲翹只教咱活現的觀音瞞不了下

小生道破機關，如夢初覺。但姪兒愚昧，畢竟還驚疑未定。生賢姪不用驚疑，只因老夫年邁膝下無兒，權遣女娃將命。小生呀，果然如此也。覺得芳齡太幼，生小女乳名灌娘。今年一十三歲，且問賢姪，這樣頭角峥嵘，不知青春多少。小生虛度一十五歲，生定過親事沒有？小生還未生小女也。還未議婚哩，且到後堂敘話。戰罷歸來，脫戰袍，鳳凰臺上憶吹簫。當年得婿如公瑾，愛看兵書是小喬。小生城闕靜，月雲高去尋月老。

不辭遙。却因未。遂于飛。樂轉憶。春風上。馬嬌。

信陵君義葬金釵

旦扮如姬鬼魂宮粧披髮上

北。南。呂。一枝花歎沉冤十載埋一靈兒迸出黃泉鱗猛見那崩厓天際險怒河流徹夜浪淘沙月暗雲  
節告的這閻羅假咱本是繁臺第一花訴恩仇圓夢等伊家又只怕怯魂靈攏不到元戎他帳下

吾乃魏王宮中如姬鬼魂是也咱生前蒙王寵愛掌管兵符璽節恩信不疑只因秦兵圍趙魏救不行王弟信陵君用侯生之計從王臥內盜

取兵符、奪軍赴救、妾感公子之義、曾經報我父仇、分當以死酬恩、捨身從命、可憐竟死於魏王拷掠之下、並把殘屍碎骨、拋入黃河、滯魄沉魂、已將十載、如今信陵君領兵歸國、大破秦兵於河外、震動幽明、因此聞聲赴感、趁這明星淡月、遙逕而來、你看萬竈雲屯、旌旗閃閃、刀斗沉沉、好不威嚴也、欲伸地府千秋恨、敢避將軍八面威。

下

生查子 生扮信陵君帥服擁衆上 生怪蟠龍

呂南南

神不放雷霆響。一旦失其珠。激起波千丈。

(淨扮朱亥末扮內監顏恩上生生平常笑孟嘗。  
君雞鳴狗盜充賢能誰知事到難爲處也作椎  
埋一路人一旦虎符奪在手驅逐秦兵盡反走。  
趙王雖救魏王疑從此投兵不敢歸傷心往事  
向誰說夷門冷落侯生血僅存朱亥尙從軍植  
髮如竿今似雪十年漂泊定誰依先王陵廟想  
依稀若非再破秦軍下幾老邯鄲一布衣下官  
信陵君生平慕義倜儻稱豪傑因大梁被秦兵

圍困社稷將危、俺從邯鄲領兵歸救、統領五王一百萬之衆、大破秦軍、逐北追奔、直殺到函關之下、如今奏凱班師、長驅歸國、早有內監顏恩奉王兄之命、帶領兩班文武迎接界上來、此是黃河岸邊、已將營盤札下、將士們部伍相招、各歸本寨、衆應下更衣介大將朱亥過來、可賚香帛前去設祭兩壇、一封侯生之墓、一弔晉鄙之魂、代俺走遭者淨領鈞旨下生去國十年、山河如故、所恨訪舊懷人不勝今昔之感、軍書已畢、假

寐片時好待明早入朝也。正是通天手段千般  
易震主功名一着難。入帳睡介丙起更介

梁州第七旦上只聽他鼓三鑿嚴更令下。轟雲空  
列戟如麻。呀呀呀。趁陰風早悄立在旗門下。想起  
俺承恩御榻。天上爲家宮壺漏永。金屋瑤華。呀呀  
呀。救邯鄲無端禍芽。盜兵符生死爭差。呀呀呀。你  
不是爲家邦。怎肯將宿將手來搃。我不是爲亡親。  
虧你將仇人來報。下咱怎肯鬼胡行負了官家。喫  
情甘碎剛。這陰司裏。幸未把神靈化那轉輪王。却

也肯消停罷。等得你撞破秦關。今到家魂夢嗟呀。  
你看勾陳衛士都枕戈而臥。且喜無人驚覺。已  
到他中軍帳下了。

牧羊關。他正氣邪難犯。咱貞魂死不差。還只爲守  
宮闈。避李嫌瓜。爲甚的燈暗無花。不由人寒毛冷  
乍。靜悄悄城頭鳴畫角。淅零零虎帳捲風沙。原來  
統三軍。警宵圓。桃大畢竟臥虎如雷。怎近他。

公子想起你爲人真乃神欽鬼服。就是妾身爲  
你而死也不能埋怨於你。

四塊玉。他他他他。是四君中第一籌。是六國裏無雙。  
價誰似他玉葉金枝貴。王家誰似他三千食客人。  
謙下誰似他顯威名。萬乘加動不動破強秦。直殺  
到函關下。則那狠秦王。何曾敢正覷他。

元鶴鳴。他他他看原嘗。猶如井蛙那胸懷。義高天  
下。咱只爲父讐未報。常薪膽。他便把那人頭一劍  
手分花熟。淋漓提向墳頭掛。俺纔得剝心滴血哭  
奠。披麻俺纔得甘心瞑目去。享繁華。他又不是做  
好尋人結識他。只教咱粉身碎骨報答還差。

但是咱死時受的苦楚公子你在軍中怎得知  
道

烏夜啼明知道事發時鋼刀一把俺怎肯撥將來  
傾陷人家那頰恩幾死在鋸筆之下俺可也一身  
自認甘休罷玉斧金櫬碎剥分花吉丁當敲破咱  
玉無瑕吉丁當敲破咱玉無瑕更殘骸拋散在洪  
濤下到今日香魂無着信物誰擎

咱自到陰司遍遊地府三曹對案之後冥王將  
我送入枉死城枉死城不收說道這女子背主

忘恩死不爲枉。應該送入地獄。誰知地獄又不  
收。說道這女子報父仇。救國難。徇義捐生。是個  
又忠又孝的。地獄中沒有這樣人。應該上送天  
堂。誰知天上又不收。說這女子善惡相關。恩仇  
念重。還上不到天堂去。可憐上天無路。入地無  
門。從此遊魂浪蕩。只得訴哀於幽冥教主。他教  
我只等公子回來。自當有你見天之日。如今僥  
幸到來。只是幽明路隔。叫你又怎生區處。是好。  
收尾這一會。說不盡傷心話。却不是索命冤家債。

王家只可憐。生前淚血沾羅帕。若還念我負汝。非他萬苦無加却。還有半股金釵跌落在閑沙灘下。

作鬼聲拂袖下。生驚醒出帳介。羅帷舒卷似有

人。開明月直入。無心可猜。這一陣冷風。明明是

如姪鬼魂入夢。你在陰間。可不埋怨我來。

呂南南  
一江風。熱心腸。喫盡多魔障。斷送人無量。好

淒涼。月暗魂遊驚起。中軍帳。今朝到大梁。今朝到  
大梁。羈愁正感傷。負娘行。往事難回想。

那時節。俺一見兵符。早知把他斷送了。現有內

監顏恩在此定知明白喚顏恩坐介末上秋高  
戰馬歸來健雨打空花落後香公子有何吩咐  
生非爲別的你也不是別人當初這兵符是怎  
生偷出來的你自然知道末呀這原是奴婢過  
手的事當日如姪娘娘把一盒花勝送與公子  
夫人原是叫奴婢送來的

前腔那娘娘鉗盒中間放親手題封上不提防神  
鬼機藏扯個瞞天謊生其間就裏難道你竟不知  
末那盒兒內是花勝是兵符叫奴婢如何曉得咱

穿宮過那廂。穿宮過那廂。他稍書。瞞雁行險。此見飛不出彌天網。

生難怪你不知。當時趙王被圍平原請救。吾姊又血書告急於我。下官雖懦。魏國猶存。乃姊妹同胞。不能相救。有何面目再見天下之士。所幸如姬呵。

刮鼓令他日夜勸王慮那鄆辱。齒邦。喜得揚兵。西上。柰怕強秦似虎狼。仍袖手在邊旁。俺怎生替他千思萬想。不怕潛通宮掖。謗難當只拚一死爲。

家邦

末公子爲何不諫。

生

怎奈諫王不聽。坐視危亡。

下官負不義於天下。且趙亡。魏亦隨手亡矣。畢

竟身危國安。區區此心。惟我宗廟先靈諒之。矯

詔行權。吾豈得已。

末

非常之人。做出非常之事。

那時軍中報到。吾王大驚。失去兵符。闔門大索。

你想宮禁怎樣深嚴。兵符何等機密。誰知奸細。

就在宮中。怎教吾王不要窮究其事。

生起立介

你道是怎生窮究。

前腔末你奇謀在錦囊。奈風聲通永巷。問起兵符。何處只拷逼宮娥。齊受殃。

生那時拷問到你不曾。

未可憐奴婢呵頭一個去承當。怎受得許多繃巴。弔榜有佳人。義烈世無雙。把滿宮超豁一身當。

虧他把滿宮超豁獨認成招。便拜別君恩。伏劍

而死。生可憐阿可憐。未然而大王怒猶未洩。生

還要怎麼樣。末公子不知活的是酷吏訊囚死。

去又是酆都拷鬼。那佳人天生麗質。就像一朶鮮花。霎時間。操得個粉碎。你道可憐也。不可慘。

生嘆介。咳教他到此地位。都是俺無忌之罪也。  
論起理來。我與他生無通問之情。死亦有避嫌  
之道。但患難相遭。痛定思痛已。到得不堪回首

處了。慟哭介。

前腔當初事。反常他爲我使心機。潛運掌他爲我  
揀生。冒死負却君王恩愛。長他爲我刀劍上受鋒  
鏃。說不出許多深情。屈枉今日呵。他游魂血污杳  
難詳。畢竟他死留青塚在何方。

坐介如今葬在那裏。末公子他還有甚麼墳塚。

前腔桃花去隨浪送青春恨渺茫早則是沙蟲同葬生這是怎麼說末當時吾王盛怒之下血唬淋喇把他碎骨殘屍都拋入黃河去了那黃河萬里長留不住捲滄桑有誰與他招魂感愴幾曾半盞淒涼漿任孤魂月上哭穿簷

生畢竟他冤魂未散方纔我曾夢見他來怨語愁容不甚明白臨去時却說甚麼半股金釵正不知是何意思末這事却又奇怪方纔奴婢從沙灘上走來拾得金釵半股好像內家粧束的

物件又是地下多年的光景，帶來在此。公子請看，生起立介想來，這邊廂那得有此陰靈所托。夢境非虛，可就這河堤上，與他立一虛塚，就將此釵藏於墓下，只等招魂而葬了罷。末接釵介領釵旨，生想當日呵。

大迓鼓他名花在上陽，脩承恩寵雲想衣裳。金釵折斷誰承望，幸十年埋沒尙堅剛。咳如姬呵縱有憑依，你魂在何方。

生者有歸國之期，死者無返魂之術。如今下官

無可酬報。只有與他墓前立碑一統。以表貞魂。

末這碑上如何寫。生你想他是個女子。乃能捨

身殉義。上紓國難。下報父仇。這是何等人物所

恨名節未彰。這碑面上可書忠孝如姬之墓下。

官當親手標題。教他千載流芳也。末仰見公子

盛心。

前腔合長河倚太行。穿碑六字豎。向斜陽。他家讐國難。將身擋。千年青塚土猶香。只恐猿啼還是斷腸。

生更衣介說話中間你聽霜天曉角早是黎明  
就此傳令拔寨啟行衆上行介

尾聲合轍門鼓角聲悲壯滿目山川往事傷說不  
盡十載叢臺客望鄉